



Province of the
EASTERN CAPE
EDUCATION

**NATIONAL
SENIOR CERTIFICATE**

KEREITI YA 11

PUDUNGWANA 2018

SESOTHO PUO YA LAPENG – PAMPIRI YA 3

MATSHWAO: 100

NAKO: 2½ dihora

Pampiri ena e na le maqephe a 5.

DITAELO HO MOHLAHLUBUWA

1. Pampiri ena e arotswe DIKAROLO tse PEDI, e leng:
KAROLO YA A: Moqoqo (50)
KAROLO YA B: Ditema tsa kgokahano tse 2 (2 x 25) (50)
2. Araba potso e le NNGWE KAROLONG ya A le dipotso TSE PEDI KAROLONG YA B.
3. Araba dipotso TSOHLE ka SESOTHO.
4. Qala potso e NNGWE le e NNGWE leqepheng le LETJHA.
5. Etsa moralo wa tema e nngwe le e nngwe (ka ho etsa mmapa wa monahano/ daekeramo/tjhate e bontshang tatelano ya mehopolo kapa lenane la dintlha tseo o tlang ho ngola ka tsona). Ha o qetile, bala tema hape ho hlaola diphoso. Meralo e hlahiswe QALONG ya tema ka nngwe.
6. Meralo e totobatswe hantle hore ke meralo.
7. O eletswa ho sebedisa nako ka mokgwa ona:
 - Metsotso e 80 ho araba KAROLO YA A.
 - Metsotso e (35 x 2) ho araba KAROLO YA B.
8. Nomora dikarabo tsa hao jwalo feela ka ha di nomorilwe dipotsong.
9. Sehlooho se se ke sa balellwa e le karolo ya palo ya mantswa.
10. Ngola ka mongolo o makgethe o balehang.

KAROLO YA A: MOQOQO**POTSO YA 1**

Kgetha sehlooho kapa setshwantsho SE LE SENG ebe o ngola moqoqo wa bolelele ba mantswe a 400–450 (dikahare feela). Ebang o kgetha setshwantsho ngola o itshetlehile ka mohopolo o qholotswang ke setshwantsho maikutlong a hao mme o iqapele sehlooho sa hao. Se lebale ho etsa moralo le ho hlaola diphoso.

- 1.1 Leshodu ke le tshwerweng. [50]
- 1.2 Botumo bo na le monate wa ho ba le tsohle empa ka lehlakoreng le leng ke bophelo bo timang motho monyetla wa ho ba le lekunutu. [50]
- 1.3 Moruti ha a a tshwanela ho ba le seabo diketsahalang tsa moetlo. Dumellana kapa o hanane le mohopolo ona. [50]
- 1.4 Selefounu ke sesosa sa kgohlano. [50]
- 1.5 Ke ne ke sa tsebe hore ke na le maqheka ho fihlela letsatsing leo. [50]
- 1.6 Dithuto tseo re di fumanang dipaleng tsa theleveshene. [50]
- 1.7 Boha ditshwantsho tsena tse ka tlase. Kgetha SE LE SENG o nto ngola moqoqo o itshetlehileng mohopolong wa sehlooho o qholotswang ke setshwantsho seo maikutlong a hao. Iqapele sehlooho sa hao. Se lebale ho etsa moralo le ho hlaola diphoso moqoqong wa hao.

1.7.1



[Setshwantsho sena se qotsitse ho Joy 2016]

1.7.2



[Setshwantsho sena se qotsitse ho *Move* 25 Mmesa 2018]

MATSHWAO OHLE A KAROLO YA A: 50

KAROLO YA B: DITEMA TSA KGOKAHANANO**POTSO YA 2**

Kgetha ditema tse PEDI mme o ngole tema ya bolelele ba mantswe a 180–200 (dikahare feela) temeng ka NNGWE. Hopola ho etsa moralo, o boele o lekole ditema tsa hao botjha ho hlaola diphoso.

2.1 NALANE YA BOPHELO BA MOFU/OBITJHUARI

Ngola obitjhuari ya ngaka ya meno e tsebisahalang motseng wa heno. [25]

2.2 LENGOLO LA SETSWALLE/ SETLWAEDI

Ngolla motswalle wa hao o mo kgothatse ka mora ho hlokahallwa ke moholwane wa hae ha ho ne ho tjha terene eo a neng a e palame. [25]

2.3 PUO

Ngola puo ya hao o e tshetlehileng kopanong ya batswadi moo o kgothalletsang batswadi ho nka karolo thutong ya bana ba bona. [25]

2.4 RAPOROTO

Ngolla Mookamedi wa sepolesa raporoto ka boshodu ba dikgomo bo ntseng bo ata. [25]

2.5 LENGOLO LA SEMMUSO

Ngolla Mohlophisi wa koranta lengolo leo ho lona o hlahisang ho kgathatseha ha hao ke ho utsuwa ha bana ho ntseng ho ata. [25]

2.6 PUISANO

Ngola puisano e dipakeng tsa moithuti wa Tsa Bohahlaudi le moithuti wa Tsa Temo, e mabapi le bohlokwa ba dithuto tsa bona. [25]

MATSHWAO OHLE A KAROLO YA B (25 x 2): 50
MATSHWAO OHLE A PAMPIRI ENA: 100